

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-17-Z/18
Kakanj, 28.02.2018. godine

Z A P I S N I K

**sa 17. redovne sjednice Općinskog vijeća održane 28.02.2018. godine (srijeda) u velikoj sali za
sastanke Općinskog vijeća sa početkom u 9:00 sati
(sažetak zapisnika)**

Nakon intoniranja himne Bosne i Hercegovine, 17. sjednicu Općinskog vijeća otvorio je Slaven Katičić, predsjedavajući Općinskog vijeća, i pozdravio prisutne: općinske vijećnike i vijećnice, općinskog načelnika, pomoćnike općinskog načelnika, izvjestioce, obrađivače, predstavnike medija i goste.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bečirhodžić (naknadno pristupio), Aldin Šljivo, Edin Aliefendić, Mejrema Purišević, Muhamed Kubat, Senad Alajbegović, Adnan Ibrahimspahić (naknadno pristupio), Haris Veispahić, Amar Selimović i Safet Šahman **(SDA)**

Semir Mušija, Rizah Haračić, Mirnes Merdić i Mugdin Gorak **(SBB BiH)**

Rešad Merdić, Mirsad Tursum, Fahrudin Buza, Adisa Škulj i Zerina Kovač **(S BiH)**

Enes Piljug, Eldin Mijoč i Ahmed Begić **(SDP BiH)**

Nusret Muslić i Sedmedin Amiđić **(DF)**

Slaven Katičić i Ivica Petrović **(HDZ BiH)**

Elvedin Delić (naknadno pristupio) **(A-SDA)**,

Odsutni vijećnici: Izudin Hrusto **(SDA)** i Mujo Fafulić – **nezavisni kandidat iz reda nacionalnih manjina.**

Predsjedavajući je konstatirao da je na sjednici u momentu prijave prisutno 25 vijećnika i vijećnica te da se stekli svi potrebni uvjeti za validan rad i odlučivanje Općinskog vijeća.

Pored vijećnika sjednici su prisustvovali:

Nermin Mandra, općinski načelnik

Ferdo Mijač, sekretar Općinskog vijeća

Mirza Fazlić, pomoćnik općinskog načelnika za privredu, urbanizam i zaštitu okoline

Džihad Berbić, pomoćnik općinskog načelnika za finansije

Rešad Zaimović, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Nurčo Kurtović- pomoćnik općinskog načelnika za imovinskopravne, geodetske poslove i katastar nekretnina

Amir Dedić – šef Odsjeka za inspekcijeske poslove

Zijad Neimarlija - direktor Zavoda za planiranje i izgradnju općine Kakanj

Nurudin Hrusto – pomoćnik općinskog načelnika za civilnu zaštitu

Bahrudin Arnaut – pomoćnik općinskog načelnika za opću upravu, radne i zajedničke poslove, lokalnu samoupravu i mjesne zajednice – po ovlaštenju

Izvjestioci, obrađivači, gosti

Helmina Murtić - direktorica JU za predškolski odgoj i obrazovanje „Mladost“ Kakanj

Mirnes Bajtarević – direktor JP „Grijanje“ d.o.o. Kakanj

Predstavnici medija:

NTV IC Kakanj

Radio Kakanj

„Kakanjske novine“

„Naša riječ“

„Kakanjlive“

„Kakanj-x“

„Kaportal“

„Klix portal“

Kratka saopćenja o radu sjednice i prethodnim pitanjima:

Kolegij Općinskog vijeća je 20.02.2018.godine održao 17. sjednicu na kojoj je razmatrao:

a) Informacija Službe za privredu, urbanizam i zaštitu okoline u vezi dopisa „Begeđ“ d.o.o. Kakanj

Kolegij je informaciju primio k znanju i zaključkom tražio od Službe za privredu, urbanizam i zaštitu okoline da za sjednicu Vijeća pripremi odgovarajuće akte za razmatranje i eventualno usvajanje.

b) Informacija Komisije za dodjelu jednokratnih novčanih pomoći i pomoći za sanaciju i smještaj deložiranih pripadnika boračkih populacija o izvršenim isplatama jednokratnih novčanih pomoći za nezaposlene za 2017.godinu

Infomacija se vraća Komisiji na doradu kako bi ista bila proširena spiskovima korisnika ove pomoći.

c) Zahtjev Zuder (Drage) Ernesta za pokretanje procedure prodaje zemljišta u skladu sa zakonom
Zahtjev je Kolegij proslijedio Službi za imovinskopravne, geodetske poslove i katastar nekretnina na dalje postupanje.

d) Zaključci Vlade Zeničko-dobojskog kantona sa nastavka 54.sjednice Skupštine Kantona

Zaključke je Kolegij proslijedio Službi za društvene djelatnosti, boračka pitanja, raseljena lica, izbjeglice i povratnike.

e) Zahtjev MZ Papratnica za dodjelu sredstava za realizaciju projekta rasvjete u selu Javor
Zahtjev je Kolegij proslijedio Zavodu za planiranje i izgradnju općine Kakanj.

Kolegij je usvojio i Zaključak u vezi podnošenja vijećničkih pitanja i inicijativa i isti je dostavljen vijećnicima uz materijale za sjednicu Vijeća.

Usvajanje zapisnika sa 16. sjednice Općinskog vijeća

Predsjedavajući je zapisnik sa 16. sjednice Općinskog vijeća stavio na razmatranje i pošto nije bilo prijavljenih za raspravu, zapisnik je usvojen sa 24 glasa za, bez glasova protiv i uzdržanih.

Komentari na dostavljene odgovore na vijećnička pitanja:

Ahmed Begić: je upitao koja je svrha postavljanja vijećničkih pitanja i inicijativa obzirom da se ne dobijaju odgovori na iste čak i nakon što se to pitanje više puta postavlja određenim institucijama.

Rizah Haračić: je rekao da je zadovoljan odgovorom u vezi spaljivanja uglja na Ponijerima koji djeluje na zagađenost zraka na tom području te se zahvalio šefu odsjeka za inspekcije zbog preduzetih mjera po tom pitanju, a što se tiče odgovora u vezi vodosnabdijevanja škole u Ričici izrazio je nezadovoljstvo zbog istog jer je problem pitke vode evidentan te je uputio apel direktoru škole da dostavi dokaz o postojanosti i ispravnosti vode za piće.

Enes Piljug: je rekao da je nezadovoljan odgovorom u vezi odvoza smeća na novu deponiju te je upitao da li je potok koji prolazi ispod deponije „Bare“ kanalisiran, i ako jeste, ko je to uradio te da li postoji pismeni trag za to i zašto se ne radi izgradnja pratećih sadržaja koji su neophodni za približavanje regionalnom konceptu odlaganja otpada.

Aldin Šljivo: je obrazložio odgovor na vijećničko pitanje u vezi ulaganja u infrastrukturne projekte na Ponijerima i rekao da je zadovoljan ulaganjem određenih novčanih iznosa za iste. Također je dodao da su ta ulaganja podigla marketinšku svijest Ponijera.

Komentari na dostavljena mišljenja na vijećničke inicijative:

Rizah Haračić: je rekao da je dobio odgovor u vezi prijedloga nabavke vozila hitne pomoći za potrebe Općine Kakanj i obzirom da je budžet za ovu godinu usvojen predložio uvrštavanje određenog iznosa u budžetu za 2019. godinu za nabavku vozila. Također je rekao da je nezadovoljan odgovorom na inicijativu u vezi rješavanja pristupnog puta MZ Bičer i Dumanac te upitao kada bi spor oko tog pitanja trebao biti riješen kako bi se dalje moglo djelovati.

Enes Piljug: je rekao da je na vijećničku inicijativu u vezi čišćenja rijeke Bosne dobio dva različita odgovora i zahvalio se Službi za privredu, urbanizam i zaštitu okoline na adekvatnom odgovoru.

Predsjedavajući je sugerisao vijećnicima da obrate pažnju na Zaključak u vezi postupka postavljanja vijećničkih pitanja i inicijativa kao i na davanje komentara na iste.

Vijećnička pitanja:

Rizah Haračić: je postavio dva vijećnička pitanja, u vezi bespravne sječe šume od mjesta Trijepće do mjesta Vrutci i u vezi broja registrovanih vozila na području općine Kakanj kao i parking mjesta za iste. Također je postavio pitanje u vezi nastajanja polutanata spaljivanjem otpada.

Ahmed Begić: je postavio dva vijećnička pitanja, u vezi sigurnosti mosta u Doboju, i u vezi održavanja nadvožnjaka iznad željezničke pruge Kakanj- Sarajevo. Također je postavio pitanje u vezi ponovljenih vijećničkih pitanja na koja ne stižu odgovori.

Enes Piljug: je postavio vijećničko pitanje u vezi postavljanja panela u Karaulskom polju.

Safet Šahman: je postavio dva vijećnička pitanja, u vezi izgradnje dijela puta (nova trasa) prema Brnjicu, i u vezi preuzimanja nadležnosti nad regionalnim putem Zenica- D.Kakanj od strane Ministarstva prometa i komunikacija ZDK.

Sedmedin Amidić: je postavio dva vijećnička pitanje, u vezi javnog objavljivanja spiska za stipendije, kao i u vezi kontrole rada ŠPD Kakanj.

Slaven Katičić: je postavio vijećničko pitanje u vezi zamjene dotrajalih električnih stubova u MZ Seoce.

Vijećničke inicijative:

Safet Šahman: je podnio vijećničku inicijativu u vezi sanacije puta Donji Kakanj- Arnauti.

Haris Veispahić: je podnio vijećničku inicijativu u vezi proglašavanja javnim dobrom imovine koju koriste JP „Grijanje“ i „Vodokom“.

Adnan Ibrahimspahić: je podnio vijećničku inicijativu u vezi postavljanja signalizacije na prelazu preko željezničke pruge na lokalnom putu koji povezuje ulice Vatrogasna i 29. Novembar u MZ Doboju.

Rizah Haračić: je podnio vijećničku inicijativu u vezi ispitivanja tla na pojedinim dijelovima općine Kakanj.

Enes Piljug: je podnio dvije vijećničke inicijative, u vezi izgradnje rasvjete u Brnjicu, i da se izvrši postavljanje usporivača brzine na dijelu puta Ivnica-Tršće.

Sedmedin Amidić: je podnio dvije vijećničke inicijative, da se postavi registar sa VP i VI na službenu stranicu Općine Kakanj, i da se izgradi vazдушna žičara na Vidikovcu.

Semir Mušija: je podnio vijećničku inicijativu u vezi proširenja javne rasvjete od društva „AB Petrol prema sportskoj dvorani Kakanj.

Nusret Muslić: je podnio vijećničku inicijativu da se obezbijede parking mjesta za korisnike porodične medicine- ambulanta „Stara jama“.

Amar Selimović: je podnio vijećničku inicijativu u vezi izgradnje trotoara od kraja podvožnjaka do autobusnog stajališta na regionalnom putu R445 u mjestu Bajrak- Modrinje

Aldin Šljivo: je podnio vijećničku inicijativu da se za slijedeću sjednicu Općinskog vijeća uvrsti u dnevni red imenovanje Komisije za formiranje izvještaja o stanju sportskih objekata (poligoni, sportske sale) po MZ na području Općine Kakanj.

Mugdin Gorak: je podnio dvije vijećničke inicijative, da se izvrši postavljanje protupožarne zaštite i riješi problem vodosnabdijevanja u zgradi Lamela- ulica Rudi Čajevac.

Utvrđivanje dnevnog reda

Predsjedavajući je predložio dnevni red po pozivu za 17. sjednicu, odnosno po usaglašenom prijedlogu dnevnog reda Kolegija Općinskog vijeća i dodao da su JU za predškolski odgoj i obrazovanje, Centar za socijalni rad i Kulturno- sportski centar Kakanj povukli svoje prijedloge, a Služba za privredu, urbanizam i zaštitu okoline je dostavila Informaciju o dopisu „Beged“ d.o.o. Kakanj i predložio uvrštavanje iste u dnevni red.

U raspravi o predloženom dnevnom redu nije niko učestvovao te je Vijeće sa 20 glasova za, 5 glasova protiv i bez glasova uzdržanih usvojilo dnevni red za 17. sjednicu.

Usvojeni dnevni red:

1. Godišnji izvještaj o realizaciji Programa budžetskih sredstava za zaštitu i spašavanje u 2017. godini
2. Prijedlog programa rasporeda budžetskih sredstava za zaštitu i spašavanje u 2018. godini
3. Godišnji izvještaj o realizaciji rasporeda i utroška planiranih sredstva ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2017. godini
4. Prijedlog programa rasporeda i utroška planiranih sredstva ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2018. godini
5. Prijedlog programa rasporeda i utroška planiranih sredstava od naknada za vatrogastvo u 2018. godini
6. Informacija o stanju zaštite od požara i vatrogastva na području općine Kakanj u 2017. godini
7. Prijedlog programa rasporeda sredstava za obilježavanje značajnih datuma i manifestacija za 2018. godinu
8. Informacija o kvaliteti zraka u zimskom periodu na području općine Kakanj
9. Informacija o dopisu „Beged“ doo Kakanj
10. Prijedlog rješenja o utvrđivanju prava vlasništva u korist Haračić (Abdulaha) Emina iz Kakanja
11. Prijedlog odluke o konačnom imenovanju predsjednika i članova UO JU „Gradska biblioteka“ Kakanj
12. Prijedlog odluke o konačnom imenovanju predsjednika i članova UO JU Kulturno-sportski centar Kakanj
13. Prijedlog odluke o razrješenju Marijane Tomičić, članice OIK-a
14. Prijedlog odluke o razrješenju Mandice Šain, članice OIK-a
15. Prijedlog odluke o objavljivanju javnog oglasa za imenovanje dvaju članova OIK-a

Tačka 1.

Godišnji izvještaj o realizaciji Programa budžetskih sredstava za zaštitu i spašavanje u 2017. godini

Predlagač: općinski načelnik

Obrađivač: Služba civilne zaštite

Izjestilac: Nurudin Hrusto

Nurudin Hrusto: je rekao da je navedeni Program realizovan onako kako je Vijeće i usvojilo i da osim jedne nesreće koja se desila na početku 2017. godine, nije bilo potrebe za dodatnim troškovima.

U diskusiji nije niko učestvovao pa je Vijeće sa 25 glasova za, bez glasova protiv i uzdržanih usvojilo Godišnji izvještaj o realizaciji Programa budžetskih sredstava za zaštitu i spašavanje u 2017. godini.

Tačka 2.

Prijedlog programa rasporeda budžetskih sredstava za zaštitu i spašavanje u 2018. godini

Predlagač: općinski načelnik

Obrađivač: Služba civilne zaštite

Izjavitelj: Nurudin Hrusto

Enes Piljug: je tražio bolje obrazloženje u vezi planiranih sredstava za nabavku opreme za strukturu Civilne zaštite.

Nurudin Hrusto: je rekao da su planirana sredstava ovim programom predviđena za nastale potrebe i ne može se konkretno odrediti potrošnja istih. Što se tiče sredstava za nabavku opreme, rekao je da postoje namjenska sredstva predviđena Programom kojeg usvaja općinski štab te da se sredstva nabavljaju u skladu sa ukazanom potrebom u slučaju neke nesreće te se ne mogu unaprijed odrediti.

Nakon diskusije, Vijeće je sa 24 glasa za, bez glasova protiv i uzdržanih usvojilo Program rasporeda budžetskih sredstava za zaštitu i spašavanje u 2018.godini.

Tačka 3.

Godišnji izvještaj o realizaciji rasporeda i utroška planiranih sredstva ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2017.godini

Tačka 4.

Prijedlog programa rasporeda i utroška planiranih sredstva ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2018.godini

Predlagač: općinski načelnik

Obrađivač: Služba civilne zaštite

Izjavitelj: Nurudin Hrusto

Nurudin Hrusto: je u vezi utroška sredstava rekao da su ista predviđena za poduzimanje preventivnih mjera i da su to iznosi sredstava prikupljenih u tekućoj godini kao i neutrošena sredstva iz prethodne godine. Dodao je i da je Program koji je Vijeće usvojilo realizovan u potpunosti i da je njime obuhvaćeno 27 mjesnih zajednica te da se uspjele odgovoriti raznim potrebama građana Općine Kakanj.

Rešad Merdić: je upitao da li je tehnička greška u materijalu, u dijelu koji se tiče neutrošenih sredstava iz prethodne godine.

Nurudin Hrusto(odgovor): je rekao da je programom napravljen prijedlog planiranih sredstava te da je neznatan iznos sredstava ostao neutrošen u prethodnoj godini i da će se tačan iznos znati po završetku finansijskog izvještaja ali da taj iznos neće znatno mijenjati predviđeni program.

Nakon diskusije Vijeće je sa 25 glasova za, bez glasova protiv i uzdržanih usvojilo Godišnji izvještaj o realizaciji rasporeda i utroška planiranih sredstva ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2017.godini.

Vijeće je također usvojilo i Program rasporeda i utroška planiranih sredstva ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2018.godini sa 24 glasova za, bez glasova protiv i uzdržanih.

Tačka 5.

Prijedlog programa rasporeda i utroška planiranih sredstava od naknada za vatrogastvo u 2018.godini

Predlagač: općinski načelnik

Obrađivač: Služba civilne zaštite

Izjavitelj: Nurudin Hrusto

Enes Piljug: je upitao da li se svake godine nabavlja nova oprema za vatrogastvo i tražio objašnjenje za cijene planiranih sredstava za opreme vatrogastva, kao što su šljem i radna uniforma.

Nurudin Hrusto: je rekao da su programom predviđene radne uniforme a ne uniforme za gašenje požara. Što se tiče šljema, rekao je da je on vatrogasni i izuzetno je skup te je dodao da bi nabavka istih po planiranoj cijeni bila povoljna.

Enes Piljug: je rekao da se u predloženom programu ne navodi da se radi o radnoj uniformi te da mu zbog toga nisu bile jasne navedene cijene.

Nakon diskusije Vijeće je sa 25 glasova za, bez glasova protiv i uzdržanih usvojilo Program rasporeda i utroška planiranih sredstava od naknada za vatrogastvo u 2018.godini.

Tačka 6.

Prijedlog programa rasporeda sredstava za obilježavanje značajnih datuma i manifestacija za 2018.godinu

Predlagač: općinski načelnik, Obrađivač: Služba za društvene djelatnosti, boračko-invalidsku zaštitu, raseljena lica, izbjeglice i povratnike, Izvjestilac: Rešad Zaimović, pomoćnik općinskog načelnika.

U diskusiji su učestvovali Nusret Muslić, Eldin Mijoč i Rizah Haračić.

Nusret Muslić: je ispred kluba vijećnika DF predložio da se u članu 1. umanjuje iznos od 7.000KM za obilježavanje Dana Općine na 5.000KM, a da se iznos od 2.000KM prebaci na Obilježavanje spomena Kamenica – Popova Luka pa bi za ovu namjenu planirani iznos bio 4.000KM. Predložio je i uvrštavanje novih stavki – postavljanje većih jarbola na centralnom spomen obilježju – 5.000KM; organiziranje posjete centralnom spomen-obilježju u Kamenici učenika osnovnih i srednjih škola – 3.000KM, a neplanirani troškovi za manifestacije bi iznosili 8.500KM.

U članu 2. Obilježavanje Dana Armije BiH povećati na 4.000KM; u stavku Obilježavanje Dana Zlatnih ljiljana dodati i obilježavanje 9.5.2018.godine – Dan borbe protiv fašizma i povećati na 2.000KM. Dodaje se nova stavka 16. Nagrade učenicima osnovnih i srednjih škola za literarne radove povodom Dana Armije BiH u iznosu od 3.000KM. Neplanirani troškovi za manifestacije iznosit će 4.600KM.

Eldin Mijoč: je rekao da se ne slaže sa prijedlogom programa u kojem je 43,5% sredstava ili 26.000KM izdvojeno za neplanirane troškove za manifestacije, a od 19 predviđenih značajnih manifestacija 16 su vezane za rat i ratnu tematiku, dok su ostale tri: Dan nezavisnosti, Dan državnosti i Dan Općine. Dodao je da se trebaju obilježiti i ovi datumi ali da pored njih ima i onih koji propagiraju mir, toleranciju: Svjetski dan mira, Svjetski dan vjerskih sloboda, Dan knjige i sl. Također, neprihvatljivo je što u ovom prijedlogu nije naveden i Praznik rada. Predložio je da se napravi pauza na kojoj bi se neplanirana sredstva rasporedila na obilježavanje konkretnih manifestacija i značajnih datuma.

Rešad Zaimović: je rekao da nema potrebe da se amandmani vijećnika Muslića uvrštavaju u program jer će se prilikom implementacije programa voditi računa i o prijedlozima koje je izložio vijećnik. U vezi amandmana vijećnika Mijoča rekao je da se navedeni značajni datumi na području općine obilježavaju u sklopu rada javnih ustanova i u saradnji sa istim. Također, rekao je da se prilikom obilježavanja „Kakanjskih dana“ drži jedan standard koji iziskuje značajna sredstva pa stoga je i ostavljena ovolika rezerva. Na kraju je dodao da su se amandmani trebali predlagati ranije te predložio da se ovakav prijedlog usvoji.

Eldin Mijoč: je rekao da nije korektno od vijećnika očekivati diskusiju a potom, uopće ne uvažavati njihove primjedbe. Predložio je amandman kojim bi se nepredviđena sredstva iz oba člana umanjila za 50% a zatim bi se iznos od 13.000KM rasporedio na: Obilježavanje Svjetskog dana mira – 2.000KM, Svjetskog dana vjerskih sloboda – 2.000KM, Praznika rada – 5.000KM, Dana mladosti – 2.000KM, Dan dječije književnosti - 2.000KM.

Općinski načelnik: je rekao da se slavi odbrana protiv agresije kao i oni koji su dali živote za ovu zemlju. Podsjetio je da je Općina Kakanj u prošloj godini obilježila Dan invalidnih osoba, Dan bez automobija, Dan planete Zemlje, Dan žena i bezbroj drugih. Pozvao je sva udruženja građana, škole, javne ustanove, nevladine organizacije da iniciraju obilježavanje značajnih datuma kako bi se obilježili svi ovi datumi iz neplaniranih sredstava.

Nusret Muslić: je izrazio nezadovoljstvo izjašnjenjem pomoćnika općinskog načelnika po amandmanima koje je izložio te tražio da se Vijeće o njegovim amandmanima izjasni.

Rizah Haračić: je ispred kluba vijećnika SBB rekao da se sve manifestacije trebaju navesti u program, pa i Kakanjski dani a najbolje bi bilo kad bi se iz prošlogodišnjeg izvještaja taksativno nabrojale manifestacije koje je Općina Kakanj finansirala. Predložio je da se za svaki od značajnih datuma izradi brošura kako bi se mlađi naraštaji upoznali sa historijom svog kraja.

Usljedila je pauza od 10' na prijedlog kluba vijećnika SDA.

Nakon diskusije riječ je dobio Eldin Mijoč.

Eldin Mijoč: je rekao da je postignut sporazum predsjednika klubova na način da se prijedlog programa dopunjava članom 3: „Sredstva iz člana 1.i 2. ovog Programa a koja se odnose na neplanirane troškove za manifestacije prioritetno će se, u organizaciji, udruženja građana, javnih ustanova i drugih organizacija, namijeniti za obilježavanje značajnih datuma: 1.maja – Praznika rada, Svjetskog dana mira, Svjetskog dana vjerskih sloboda, Dana mladosti, Dana djeteta, Dana borbe protiv karcinoma, Dana bosanskih kraljeva, Dana kraljice Katarine i drugih manifestacija.“

Nusret Muslić: je tražio da se predlagač izjasni o prijedlozima koje je izložio klub vijećnika DF.

Općinski načelnik: je rekao da će jربول po zahtjevu kluba vijećnika DF biti nešto manjih dimenzija. Posjeta Kamenici neće biti nikom uskraćena i nema potrebe da se taksativno navodi obzirom da sredstva neće biti problem.

Predsjedavajući je, obzirom da vijećnik Muslić nije htio povući amandmane, tražio od Vijeća da se izjasni da li se želi izjašnjavati o amandmanima. Vijeće je odbilo izjašnjavanje sa 6 glasova za, niko protiv i 20 uzdržanih.

Nakon toga Vijeće je usvojilo Program rasporeda sredstava za obilježavanje značajnih datuma i manifestacija za 2018.godinu uz dopunu koju je izložio vijećnik Mijoč sa 23 glasa za, niko protiv i 2 uzdržana.

Tačka 7.

Informacija o stanju zaštite od požara i vatrogastva na području općine Kakanj u 2017.godini

Predlagač: općinski načelnik, Obrađivač: Služba civilne zaštite, Izvjestilac: Nurudin Hrusto.

U diskusiji je učestvovao Adnan Ibrahimspahić.

Adnan Ibrahimspahić: je predložio zaključak: „Upozoravaju se pravna lica, odnosno privredni subjekti koji proizvode, prerađuju, distribuiraju ili skladište zapaljive, eksplozivne i ostale opasne materije na obaveze propisane Zakonom o zaštiti od požara i vatrogastva ZDK koje se odnose na obezbjeđenje zaštite od požara, te da o poduzetim aktivnostima obavijeste Službu civilne zaštite Općine Kakanj.“

Informacija je primljena k znanju i Vijeće je uz to usvojilo i zaključak vijećnika Ibrahimspahića jednoglasno sa 25 glasova za.

Tačka 8.

Informacija o kvaliteti zraka u zimskom periodu na području općine Kakanj

Predlagač: općinski načelnik, Obrađivač: Služba za privredu, urbanizam i zaštitu okoline Izvjestilac: Mirza Fazlić, pomoćnik općinskog načelnika, Stav i mišljenje: Komisija za ekologiju.

U diskusiji su učestvovali: Enes Piljug, Semir Mušija, Rešad Merdić, Rizah Haračić, Haris Veispahić i Elvedin Delić.

Enes Piljug: je predložio da se mreža grijanja proširi na cjelokupnu gradsko područje te da se to riješi u naredne dvije godine, a izvor finansiranja bi bilo kreditno zaduženje Općine. Ponovo je apelirao da se nabavi displej na kojem bi se emitovale vrijednosti kvaliteta zraka.

Semir Mušija: je podsjetio da je dogovor sa Kolegija bio da predsjednici klubova pismeno dostave prijedloge za koncept tematske sjednice a da se rasprava o samoj temi ne otvara.

Rešad Merdić: se složio sa diskusijom vijećnika Mušije i predložio da se na tematskoj sjednici odgovori zašto nema dovoljno validnih mjerenja. Da se uputi poziv svima onima koji su nadležni za okoliš – Ministarstvo za prostorno uređenje, promet i komunikacije i zaštitu okoline ZDK, Federalno ministarstvo okoliša i turizma, fondovi za zaštitu okoliša i dr. Sjednica bi trebala ići u smjeru iznalaženja mogućnosti za povlačenje što većih sredstava za projekte za zaštitu okoline. Među materijalima bi se trebali naći i izvještaji nadzora i kontrole nad operatorima, kao i planovi operatora iz okolinskih dozvola.

Mirza Fazlić: je rekao da je na Kolegiju dogovoreno i da se Informacija proširi i pozvao vijećnike da, poput vijećnika Merdića, daju i prijedloge za proširenje Informacije.

Rizah Haračić: je rekao da bi trebalo odrediti termin održavanja sjednice u martu jer je svako odugovlačenje bespotrebno te da postojeća Informacija sadrži dovoljno podataka da vijećnici o njoj raspravljaju.

Haris Veispahić: je rekao da diskusija vijećnika uglavnom ide u pravcu diskusije sa Kolegija Općinskog vijeća te da se iz Informacije jasno vidi da su osnovni zagađivači privatna ložišta i saobraćaj i da će se kao rješenje nuditi proširenje daljinskog grijanja. Dodao je da u Informaciji ne stoje zahtjevi i stepen ispunjenja istih iz okolinskih dozvola operatora te da bi se trebala proširiti u tom smjeru.

Elvedin Delić: je predložio da se u tematsku sjednicu uključi i JP „Grijanje“ kako bi izložilo prijedloge proširenja mreže daljinskog grijanja kao i troškove koji će proizaći iz istih.

Informacija je primljena k znanju i Vijeće je usvojilo Zaključak o prihvatanju Informacije o kvaliteti zraka u zimskom periodu na području općine Kakanj sa 26 glasova za.

Tačka 9.

Informacija o dopisu „Beged“ d.o.o. Kakanj

Predlagač: općinski načelnik, Obrađivač: Služba za privredu, urbanizam i zaštitu okoline
Izjavitelj: Mirza Fazlić, pomoćnik općinskog načelnika

U diskusiji su učestvovali Semir Mušija i Nusret Muslić.

Semir Mušija: je predložio da Općinsko vijeće izmijeni Odluku o načinu i uslovima raspolaganja javne prodaje građevinskog zemljišta na lokaciji Vrtlište te na taj način omogući potpisivanje aneksa Ugovoru kako bi se izvođaču radova, koji iz objektivnih razloga nije mogao nastaviti radove, produžio rok za izvođenje istih.

Nusret Muslić: je rekao da je Kolegij Općinskog vijeća bio stava da se privredniku, ukoliko je to u skladu s odlukama Vijeća, izađe u susret, a nadležna služba pripremi odgovarajuće akte kako bi nastavio s radovima i ostvario poticaj.

Općinski načelnik: je dao dodatna pojašnjenja i rekao da je nadležnost Općinskog vijeća da produži rok te da su objektivni razlozi (klizište) bili uzrokom kašnjenja.

Mirza Fazlić: je predložio zaključak: Ovim zaključkom prihvata se Informacija Službe za privredu, urbanizam i zaštitu okoline, broj: 04/1-297/18 od 19.02.2018.godine a u vezi dopisa „Beged“ d.o.o. Kakanj, broj 158/18 od 31.01.2018.godine i daje se saglasnost za produženje roka za ishodovanje upotrebne dozvole za dodatnih 6 (šest) mjeseci u odnosu na rok definisan Ugovorom o kupoprodaju nekretnine OPU-IP:45/2015, a zadužuje se općinski načelnik da potpiše aneks Ugovoru shodno ovom zaključku.

Predsjedavajući je ovaj zaključak stavio na glasanje i Vijeće ga je usvojilo sa 25 glasova za, bez glasova protiv i uzdržan.

Tačka 10.

Prijedlog rješenja o utvrđivanju prava vlasništva u korist Haračić (Abdulah) Emina iz Kaknja

Predlagač: općinski načelnik,

Obrađivač: Služba za imovinskopravne, geodetske poslove i katastar nekretnina

Izjavitelj: Nurčo Kurtović, pomoćnik općinskog načelnika

S obzirom da nije bilo prijavljenih diskutanata Vijeće je sa 19 glasova za, bez glasova protiv i 6 uzdržanih usvojilo Prijedlog rješenja o utvrđivanju prava vlasništva u korist Haračić (Abdulah) Emina iz Kaknja.

Tačka 11.

Prijedlog odluke o konačnom imenovanju predsjednika i članova UO JU "Gradska biblioteka" Kakanj

Tačka 12.

Prijedlog odluke o konačnom imenovanju predsjednika i članova UO JU Kulturno-sportski centar Kakanj

Predlagač: Komisija za izbor u regulirane organe

Vijeće je objedinilo raspravu o ovim prijedlozima.

Usljedila je pauza u radu Vijeća na zahtjev kluba vijećnika S BiH.

U diskusiji su učestvovali Sedmedin Amidić i Semir Mušija.

Sedmedin Amidić: je rekao da u obrazloženju treba da stoji više informacija o kandidatima, kako bi imali kompletan uvid ko su kandidati za koje se daje saglasnost.

Semir Mušija: je rekao da je sporan rad Komisije jer niko od članova Komisije nije došao na sjednicu a pored imena nema ni kraće biografije istih kako bi Vijeće znalo za koga glasa. Predložio je da ubuduće Komisija dođe na sjednicu ili pošalje obrazloženja uz svoj izbor kandidata.

Odluka o konačnom imenovanju predsjednika i članova UO JU „Gradska biblioteka“ Kakanj (Delila Rajkić – predsjednica, članovi Erna Veispahić i Marin Mijač) usvojena je sa 17 glasova za, 9 glasova protiv i 1 (Haris Veispahić) izuzet od glasanja.

Odluka o konačnom imenovanju predsjednika i članova UO JU Kulturno-sportski centar Kakanj (Aida Silajdžić – predsjednica, članovi: Nihad Tukić i Fadil Šolbić) usvojena je sa 16 glasova za, 7 glasova protiv i 3 uzdržana.

Tačka 13.

Prijedlog odluke o razrješenju Marijane Tomičić, članice OIK-a

Tačka 14.

Prijedlog odluke o razrješenju Mandice Šain, članice OIK-a

Mišljenje: Komisija za izbor i imenovanje

Vijeće je vodilo objedinjenu raspravu o ovim dvijema tačkama.

S obzirom da nije bilo prijavljenih diskutanata Vijeće je Odluku o razrješenju Marijane Tomičić usvojilo sa 25 glasova za, bez glasova protiv, bez uzdržanih.

Odluku o razrješenju Mandice Šain vijeće je usvojilo sa 27 glasova za, bez glasova protiv i bez uzdržanih.

Tačka 15.

Prijedlog odluke o objavljivanju javnog oglasa za imenovanje dvaju članova OIK-a

Obrađivač: Stručna služba za poslove Općinskog vijeća

S obzirom da nije bilo prijavljenih diskutanata Vijeće je Prijedlog Odluke o objavljivanju javnog oglasa za imenovanje dvaju članova OIK-a usvojilo sa 25 glasova za, bez glasova protiv i 1 glas uzdržan.

Predsjedavajući je u svoje i ime Vijeća čestitao 1. mart – Dan nezavisnosti BiH.

Sjednica se završila u 12:25.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić